

ODRŽAN IV. KONGRES O KATASTRU U BIH

01.11.2019 13:20



U organizaciji Geodetskog društva Herceg-Bosne u Neumu je održan IV. Kongres o katastru u Bosni i Hercegovini s međunarodnim sudjelovanjem. Kongres je održan od 29. do 31. oktobra u Neumu u Grand hotelu „Neum“ pod visokim pokroviteljstvom predsjednika Federacije BiH gospodina Marinka Čavare. Temeljna odrednica ovogodišnjeg skupa bila su četiri temeljna državna registra na kojima počiva administrativni sistem svake uređene države i to registar osoba, adresni registar, katastar nekretnina i zemljišna knjiga kao i njihova međusobna veza. Podaci ovih registara nezamjenjiva su osnova za rad različitih organa vlasti, javnih preduzeća, banaka, odvjetnika, notara itd. Postojanjem ova četiri registra u digitalnom okruženju neminovno se javlja potreba njihove automatske veze u svakoj prilici kada se za vođenje jednog od registara koriste podaci iz drugog registra. Na Kongresu su u sklopu 6 sesija održane 33

prezentacije.

U uvodnom obraćanju nazočne je pozdravio i zaželio dobrodošlicu gosp. Ivan Lesko, predsjednik Geodetskog društva Herceg-Bosne naglasivši kako je namjera Društva svim zainteresovanim omogućiti uvid u aktualnosti o katastru i zemljišnoj administraciji u BiH i susjedstvu.

U prvoj sesiji održane su prezentacije više radova iz područja katastra, zemljišnih knjiga, infrastrukture prostornih podataka i zemljišne administracije općenito, prezentovana su iskustva povezivanja temeljnih državnih registra (registar osoba, adresni registar, katastar i zemljišna knjiga) u Kraljevini Švedskoj, stanje registara i aktivnosti na njihovom povezivanju u Bosni i Hercegovini, te Evropsko vijeće geodeta (CLGE).

U drugoj sesiji je svoj rad, trenutne aktivnosti, projekte, proizvode i usluge predstavila Federalna uprava za geodetske i imovinsko-pravne poslove.

Nakon druge sesije upriličeno je svečano potpisivanje ugovora o nastavku Projekta izgradnje kapaciteta za unapređenje zemljišne administracije i procedura u BiH - CILAP projekta za naredne dvije godine. Ugovor su potpisali gosp. Željko Obradović, direktor Federalne uprave za geodetske i imovinsko-pravne poslove, gđa. Bosiljka Predragović, direktorica Republičke uprave za geodetske i imovinsko-pravne poslove i gosp. Torgny Svenungsson, šef za razvojnu saradnju Ambasade Švedske. Ovaj projekat je odigrao veliku ulogu u pripremi i razvijanju velikog broja aktivnosti i preuzimanju znanja i iskustva iz Kraljevine Švedske. Osim finansijske podrške, preuzeta su i iskustva u sektoru zemljišne administracije, stoga će ovakav vid podrške imati veliki značaj i u naredne dvije godine.

Aktivnosti CILAP projekta su prezentovane kroz treću sesiju. Prethodne sesije sudionicima Kongresa dale su potpuni uvid u sve aktivnosti koje se u Federaciji BiH provode u području zemljišne administracije, te je naglašen veliki iskorak u domenu zemljišne administracije kroz četiri godine.

Tokom posljednje tri sesije predstavljeni su radovi koji su prijavljeni kongresu (20 radova). U radovima su obrađene i prezentirane aktualne teme u području zemljišne administracije u Bosni i Hercegovini i susjednim zemljama.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize  
Galleria Galleria.run('#gallery-1' , { width: 'auto', height: 500, transition: 'fade', initialTransition:  
'undefined', clicknext: false, showImagenav: true, showCounter: true, lightbox: false, imageCrop: false,  
imageMargin: 0, imagePan: false, carousel: true, carouselSpeed: 200, carouselSteps: 'auto',  
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,  
thumbQuality: true, easing: 'galleria', transitionSpeed: 400, popupLinks: false, preload: 2, debug: true,  
queue: true, imagePosition: 'center', maxScaleRatio: 0, swipe: true, fullscreenDoubleTap: true,  
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',  
touchTransition: 'undefined', keepSource: false, trueFullscreen: true, responsive: true, wait: 5000,  
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',  
videoPoster: true, thumbPosition: 'center' });
```